



門 5
號 3386
卷 60

輿地紀勝校勘記卷四十二

潼 府路

卷一百六十四

懷安軍

軍沿革

又通鑑周謹靚王六年

謹靚王卽慎靚王改慎

爲謹者避孝宗諱後凡改慎靚王爲謹靚王者仿

此

若長孫無忌等作監書時唐已復爲金水矣何不直

曰金水而猶曰泉 按上文引隋志云西魏置金

泉縣及金泉郡此處監字乃隋字之誤或疑監書

當作監修然上文未言隋書則監修之語無所指

輿地紀勝校勘記

卷四十二

一

懼盈齋

早稻田大學圖書館
昭和 28. 9. 8 覽
藏 書

當作隋書方與上文劉昫作舊唐書之語一例

縣沿革

金堂縣 咸通二年蜀郡長李崇義析雒縣新都及簡州金水三縣置 按下文敘此事通作亨今考新舊唐志寰宇記七十方輿紀要六十皆作亨此處通字亦當作亨 又按元和志三十作通亦亨字之誤蓋咸亨乃唐高宗年號咸通乃唐懿宗年號元和志作於咸亨之後咸通之前自應作亨不得作通也

風俗形勝

土瘠而無它產民樵而無它技

柳溪卷公汝明承惠記

按方

輿勝覽

六十

惠下有院字是也

景物上

神燈

常黑月夜分

張氏鑑云黑當在月下。唐

薛能詩云莽莽空中稍稍登

張氏鑑云登似當

作燈

三江

寰宇記云曰彌牟水曰洛水曰毗橋等三水

會金堂合為一江

按寰宇記無三曰字牟下無

水字洛作雒金堂作本軍金堂縣。自是東於金

峽之口兩逕資瀘復合大江

張氏鑑云東疑當

作東

七泉 在金水縣二里 張氏鑑云縣下有脫字

洛水 今漢州雒因名焉 按雒下似當有水字

景物下

歲寒堂 在郡堂 按上文淳簡堂深遠堂就日堂

下文 禾堂凝翠堂各注云在郡治此處堂字亦

當作治

鸚鵡塔 循養者為擊磬 按改馴養為循養者避

理宗嫌名

三學山 癩剝苔侵 張氏鑑云癩當作薛 按方

輿勝覽正作薛張說是也

三節鎮 在金堂縣七十里里父老相傳 張氏鑑

云縣下有脫字下里字疑衍

祥符寺 降到磨納袈裟 張氏鑑云納當作衲

昌利山 山有虹橋仙寶與棲賢三學士二山相接

按棲賢山見下文三學山見上文士字疑衍

古迹

鄧太尉廟 卽蜀鄧艾也 按蜀當作魏

官吏

張天祺 按自天祺以下皆宋人張上當補國朝二

字

孫道夫 自館閣出守有朝士送行詩見詩什門

按下文詩門有羅大全送孫太冲守懷安詩又有句景山及勾龍行父送孫太冲詩太冲即道夫也紀勝全書之例有詩門無詩什門此處什字當是衍文

陳澄 置贍學田七千餘緡 張氏鑑云七上疑脫費字

人物

段翳 按翳及王侗皆漢人段上當補漢字

張正 按自正以下皆宋人張上當補國朝二字

謝湜 字待正 按以方輿勝覽考之待乃持之誤蓋皇甫湜字持正此用其名兼用其字也

樊棗 金堂人開禧丁卯渠州逆曦之變偽詔至郡改稱元年會葺郡廳落成公卿令大書屋脊記板云開禧三月初三日 按卿當作即 又按丁卯係開禧三年三月上似當有三年二字

古泡直 公居其一詔獄徙淮陽二歲而歸 按詔上似當有下字。紹興二年一御札搜訪 按一疑當作下

仙釋

真多化妙應真人 張氏鑑云真多化當作章真多

按注云姓章名真多張氏蓋據此而言

王頭陀 今寺靜照大師塔 按寺下似當有有字

碑記

唐昌利觀記 開元中金堂尉沛國武健撰 碑目

健作捷抄本作健

如舜禪師碑銘 唐節度使杜琮撰 按以新舊唐

書及通鑑考之琮乃悰之誤

鸚鵡塔利塔記 張氏鑑云上塔字似當作舍 按

碑目上塔字正作舍 抄本塔利塔作塔舍利 上文景物下鸚

鵡塔注云有舍利十粒僧為之建塔作舍者是也

為八戒和尚謝復三學山精舍表 李商隱撰 碑

目撰作撰

放生記誓文 太和二年 碑目太作大 抄本作太

楊浦壽昌寺記 在郎中山 碑目中山作山中 抄本

與紀勝同 按上文景物下有郎中山無郎山碑目非

是

段翳故宅舊碑 抄本碑目翳作繫 按上文古迹

門有漢處士段翳宅人物門段翳注云今天慶觀

卽翳故宅作繫者非也。○有舊碑字畫磨滅不可

辨 碑目無有字辨作辯抄本與紀勝同

詩

萬松擢秀五弟柏干劫棲賢三學山 張氏鑑云弟

字疑誤

卷一百六十五 廣安軍

軍沿革

晉志巴郡有墊江縣巴西郡有宕縣及安漢郡 按

據晉志宕下當有渠字郡當作縣

于是廢渠之洞濃合之新明兩鎮 按下文云遂以

合州洞濃渠州新明二鎮以為軍注云據寰宇記

今考寰宇記一百三十八所述州名鎮名與下文正同

此處渠合二字當上下互易

及分陝川為四川 張氏鑑云陝當作兩

縣沿革

渠江縣 倚郭 按依他卷之例倚郭二字當在下

一行元和郡縣志云之上。元和郡縣志云木漢

岩渠縣地 按元和志此卷久闕以漢志考之岩

當作岩

岳池縣 立南岩渠郡 按據上文此係寰宇記之

語今考寰宇記岩作宕是也

和溪縣

按此縣未注緊望等字蓋因此縣開禧三

年始置故元豐九域志

卷七

輿地廣記

三十

皆未載

而紀勝亦無所據以注耳。在軍西南口十里

一統志

二百四十一

在上有縣字口作九此句在下文

陞為縣之下。奏乞陞為縣 一統志陞下有鎮

字縣下有屬廣安軍四字

風俗形勝

政和中何行中撰岩渠廣安駐泊記

按方輿勝覽

六十 岩作宕是也

景物上

清洄

縈回而為潭 一統志回而作迴

濃水

出於龍扶速山故縣鎮 一統志作在安岳

縣東北出龍扶速山

篆水

在渠江縣五里 一統志作去縣五里。如

龜踞伏

一統志作如伏龜。專受流觴 一統

志專作可。木落石出 按木當作水。官吏士

庶來賞者不勝計 一統志作人多遊焉

渠江

入渠州流江縣東流經軍漑下 張氏鑑云

漑疑當作治

羊山 山下十許里 一統志里在許上。張諫議

廷堅諸公讀書于此山之麓 一統志作張廷堅

讀書其中 按廷當作庭詳下文古迹門諫坡山

石龍 初石江刻就龍形自爾龍口水滴涓涓 按

江疑工之誤

姜山 雲山鎮之外相距五里許 一統志無之字

及相距二字。山神極為靈 一統志無為字

景物下

集芳亭 在渠江縣北二十里姚平有姚氏名子望

者 一統志無姚平二字及名字。奇花異菓

一統志菓作卉。有熙甯中黎侁為之記有張天

覺詩東坡帖 一統志張上無有字

晶然山 舊在渠州境皇朝創置廣安軍后則此山

今在廣安新明 按后當作後

龍穴山 在岳池之封山去縣北五里 一統志作

封山在岳池縣北五里。山峰高秀 一統志作

山秀峰高。一名十一穴在山半巖石中 一

統志作有龍穴在山半巖石中一名 穴山

水印石 在軍漑下南埧灘中 張氏 云漑亦當

作治

戲仙亭 在渠江縣北十里 一統志作在廣安軍

東北十里

望子山 舊傳馮將軍之子 一統志舊作相。將

軍登此山以望之 一統志無山以二字。故得

名 一統志作因名

清溪水 流入渠江 一統志流上有西字

子仙觀 如蟾蛻而輕舉 按蟾當作蟬

古迹

諫坡山 在渠江縣北五里 一統志渠江縣作廣

安軍。舊名車婆崖 一統志崖作涯。正言張

公庭堅故居 一統志正上有有字庭作廷居下

有因名二字 按下文人物門有張庭堅方輿勝

覽及東都事略亦作庭

老君山 有道士騎馬至觀之西堦 張氏鑑云堦

當作堦堦小障也

唐何少卿讀書堂 一統志堂作臺

晶然山神 至漢侍西王母至漢庭堅東方朔爨巴

之輩 張氏鑑云堅疑挈之誤

官吏

張柬之 按柬之唐人張上當補唐字

朱昂 按自昂以下皆宋人朱上當補國朝二字。
時人以北二疎 張氏鑑云北當作比 按據上
文此係東都事略之語今考事略朱昂傳北作比
二上有漢字張說是也

人物

漢馮緄 七遷爲廣漢屬國 按據後漢書馮緄傳
國下當有都尉二字。土人謂馮將軍之子也記
之孝失其名而不書 張氏鑑云孝當作者
張庭堅 按自庭堅以下皆宋人張上當補國朝二
字。元祐擢第 張氏鑑云祐下有脫字

黎錞 與公俱客京師僦居北鄰 按北乃比之誤

安堯臣 今者中外之人或謂貫深結蔡京 按據
東都事略安惇傳或當作咸貫上當有童字

仙釋

道士塞道先 集眾講道經至元牝之門是謂天地
根 張氏鑑云牝當作牝 按道德經作牝張說
是也

谷隱靜覺禪師宗顯 貼號靜覺禪師 張氏鑑云
貼似當作賜

碑記

鶴樓山古碑 抄本碑目自此句至勅賜孚惠靈公
廟碑凡四條皆脫去。唐貞元十年 碑目貞作
正

故縣鎮顏魯公碑 魯公之刺湖州也過道因有碑

銘 張氏鑑云也過道疑當作道過此。今碑磨
滅存十二字曰命除湖州刺史顏真卿勤銘于道
院 張氏鑑云二似當作四勤當作勒

詩

引人鄉淚盡夜夜竹枝歌 鄭谷渠
江依思 張氏鑑云依當

作旅

人物宜旌表蟲魚不足箋 郡守雍
候詩 張氏鑑云候當

作侯

輿地紀勝校勘記卷四十二終

輿地紀勝校勘記卷四十三 潼川府路

卷一百六十六 長甯軍

軍沿革

又漢書地理志云漢陽縣犍為都尉治所山關谷漢水所出東至斃 按漢志無所字關作關斃作斃是也紀勝下文作斃又下文長甯續志門所引亦作關作斃

則是江陽與江安是為一邑之地 按下是字疑寔字之誤

自儀鳳二年開山獠置納州瀘州 按據唐志寔字

記八十薩乃薩之誤

今羅氏所收告牒尤存 按尤當作猶

政和四年本路運使趙適奏請乞將本監陞為軍

張氏鑑云適似當作適 按下文云皇朝郡縣志

據趙適奏張說是也

以地邊夷落無復租稅割瀘州江安縣之井溪者以

助經費 張氏鑑云耆字疑誤 按下文風俗形

勝門云割瀘州江安縣之井溪耆祥州慶符縣之

清平寨隸焉字亦作者與此條同俟考

縣沿革

安甯縣 按此縣未注緊望等字蓋因嘉定二年始

置故元豐九域志卷七輿地廣記三十一皆不載而紀

勝亦無所據以注耳○令領一堡五寨四 張氏

鑑云領一下似有誤 按據方輿勝覽六十令當

作今領下當有縣字

風俗形勝

於瀘叙兩間入夷地一百二十里臣叙蘭建置本軍勅牒跋張

氏鑑云兩下似當有州字臣字疑誤

轉運使寇城中請峽路鈐轄司 按據方輿紀要七

城當作城據方輿勝覽中當作申○發禁軍五十

人屯瀘川消井監成兵分番以往 按成當作成
烏蠻鬼主道所山入夷獠出入無警則已 張氏鑑
云山似當作由

慶元鹽官記李拽孫撰 張氏鑑云拽字疑誤

兵厨之酒冠於東州 按長甯軍本瀘州之地瀘州

自唐時即屬東川此處州字乃川字之誤

出漢武所謂筇竹筇醬 今出羅曰生地 張氏鑑云筇當作

蒟曰生疑誤 按史記西南夷傳筇作枸本或作

蒟左思蜀都賦及華陽國志皆作蒟張說是也

募土力為之免其力役 按上力字疑戶字之誤

義軍 自大中祥符以來每有邊事則屯集名夷一一義軍為用 按名疑各之誤

自政和畏降以來俗稍循擾戶遇邊警屢嘗効力

張氏鑑云畏疑服之誤戶疑凡之誤 按改馴擾

為循擾者避理宗嫌名

景物上

西溪 發源越王與桃源溪合 按據方輿勝覽方

輿紀要王下當有山字

清溪 中多水族如蛟蠅之類 按爾雅釋魚云蠅

小魚與蛟絕不相類當是鱧字之誤

景物下

環山閣 在倅廳渝白麟有記 張氏鑑云渝白麟

疑有脫誤

風雩堂 按注云在嘉魚泉今考上文景物上有風雩注亦云在嘉魚泉所述之地名全同惟彼無堂字此有堂字耳其為複見無疑

小桃源 在軍城西冷水溪之上 一統志二百四十二

軍上有長甯二字無之字○嘉定己巳 一統志

己作乙 按嘉定共十七年有己巳無乙巳己巳

係嘉定二年方輿勝覽亦作己巳○太守張公

一統志太作郡○堂曰詒然 張氏鑑云詒然疑

貽燕之誤○又掘地得銅牌曰——云 一統

志銅上有一字曰上有鐫字無云字

萬松嶺 趙君有詩 按下文詩門載趙史君萬松

嶺詩此處君上有脫字

嘉魚泉 在城一里馬鞍山之趾 按方輿勝覽在

作去是也

報恩寺 在軍城外東北頂高阜上 按頂疑隅之

誤

棲神洞 在清平寨三里 張氏鑑云寨下有脫字

古迹

忠祐廟 云可於城西角立砲官吏如神言一發中
夷賊砲稍損壞 按下砲字似當在中字上

域王墓 按注云故老傳為粵王葬此去軍三十里
與粵王山之名相應據此則域乃越之誤越與粵
同

官吏

劉堯年 按自堯年以下皆宋人劉上當補國朝二
字

人物

單演之 按自演之以下皆宋人單上當補國朝二

字

道釋

道人羅天祐 嘗隱語書解榜封以寄人後撒棘無
不驗後之成都見司戶薛紱 按上後字當作及

僧表祥 瀘帥馮公檄喜禪學聞表祥招致之令說

法 張氏鑑云聞表祥下疑脫名字

記錄文

五代偽蜀勅牒 牒清井鎮 抄本碑目清作清下

同 按上文軍沿革風俗形勝等門言清井監者
甚多輿地廣記方輿勝覽方輿紀要並作清抄本

碑目非是○羈縻十州五團土都虞候 碑目州
作洲抄本候 按上文軍沿革風俗形勝等門屢
言羈縻十州風俗形勝門又引十州五團記作洲
者非也

國朝所給誥劄 國朝所給誥劄甚多今始錄其一
按始字當是姑字之誤○或補以官資則告上
帶曰每年添鹽若干斤綵若干疋更不依祿令支
給請受 碑目帶作帝祿作律 按帝字顯係傳
寫之誤祿令與支給請受語義正合亦不必改祿
為律也

祥符平夷本末 按以下四條脫去注語

元豐平乞弟本末 碑目弟下有子字抄本 按以

東都事畧及宋史紀事本末考之子字係衍文

范中書百祿誓夷文 碑目誓下有平字文下有表

字抄本 按下文有范榮公進誓平夷文表碑目

刪去下條而於此條增入二字不知此係誓平夷

文彼乃進誓平夷文之表也此條可增平字不可

增表字碑目所增非是○熙甯七年平五團蠻作

文以誓之碑在今報恩寺 碑目脫去此十九字

抄本固作國報上有 按宋元以來紀蠻人所居
之字餘與紀勝同

地多謂之國作國者非是

范榮公進誓平夷文表 碑目無此條 按說詳上

文

趙招討平晏夷賀捷表 碑目脫去此條

梅聖俞春雪詩 歸田錄載子瞻嘗於涪井監得夷

人所賣蠻弓衣 碑目子上有蘇字抄本無○蓋其

名重傳落夷狄 抄本碑目作蓋其名重也

詩

仙源萬木春 一統志木作樹 按改樹為木者避

英宗嫌名○要知竊桃客定是會稽人 一統志

會作滑 按滑稽人指東方朔而言若會稽人則

無所指也當以滑字為是

門前碧醮一溪斜 按醮當作蘸

趙史君萬松嶺 張氏鑑云史當作使

長甯續志

而隋志朱提郡始廢而漢陽一縣始無可攷 張氏

鑑云上而字似當作至

曰堂琅 張氏鑑云琅下文作狼須校 按據上文

此係漢志之語今考漢志正作琅下文作狼者非也

隋志又失漢陽郁鄆朱提堂狼 按狼當作琅說詳上文

故其遺跡亦難盡考姑拓其大畧若此 按拓疑撫之誤

卷一百六十七 富順監

富順監 張氏鑑云依他卷之例此下當注舊名及屬縣此有脫文

監沿革

俗呼五女泉 按據上文此係舊唐志之語今考舊唐志五作玉是也紀勝下文景物下有玉女泉亦

其明證

縣沿革

富順縣 按此縣未注繫望等字蓋因熙甯元年已

廢故元豐九域志卷九輿地廣記三十皆未載而紀

勝亦無所據以注耳 又按據下文注中所言紹

熙三年士民乞復置縣而未果紀勝特錄於縣沿

革以備考上文監沿革云不領縣是其證也

風俗形勝

華陽國志江陽有富義疆井 張氏鑑云疆似當作

疆 按華陽國志作鹽紀勝上文兩言鹽井是其

明證張氏以爲當作疆蓋因下文古迹門富義井注引華陽國志作疆故有此說然彼處疆字亦鹽字之誤未可以彼易此也

漸陶既久習俗知有禮遜

見後玉
獠下

按下文景物下

土獠注云今漸陶既久習俗亦知有禮遜矣此處

玉字乃土字之誤 又按改讓爲遜者避濮王諱

景物上

西疇

由城之南

方輿紀要

七

無之字。西行凡

六七里 方輿紀要無凡字。嘉樹離立李氏西

疇 方輿紀要李上有爲字是也

東山

監治門云左控東山

張氏鑑云監上似當

有郡志二字 按下文碑記門富順志注云郡守

楊汝爲序張氏蓋據此而言

梅洞

傍有石穴上穴下廣

按下穴字疑狹字之

誤

土獠

近後服青布刺繡紋

按方輿勝覽

六十後

作始是也

景物下

湖山堂

在西湖龜頭日挹清

張氏鑑云疑有脫

誤

十聖廟 乃瀘州富義縣人寇氏兄弟五人 張氏鑑云五當作三 按上文云初有三聖將軍下文云又益以彭州之七聖爲——云以三合七正符十數此句五字必三字之誤張說是也

白鹿山 舊名——寺因名 張氏鑑云上名字當作有

東山寺 在監東江對 張氏鑑云當作與監東山對 按上文景物下東山注云在監治之東張氏蓋據此而言

西湖洞 西湖之東 一統志二百四十二作西湖周圍

三里○有洞坳邃 一統志坳作窈○人往見二女櫛髮竇間 一統志作昔有入洞者見二女櫛髮於竇間○遺石鏡 一統志遺下有以字○而其人遂富百倍 一統志無而字遂作致

古迹

富義井 華陽國志云江陽有富義疆井 按疆當作鹽說詳上文風俗形勝門

呂光廟 按合江縣登天大王廟記載本後梁王光按以晉書載記考之梁當作涼王當作主

官吏

張宗誨 按自宗誨以下皆宋人張上當補國朝二字

楊騫 郡始以監茅病民 張氏鑑云監茅疑有誤
郭知達 歲為鏹計八十萬省 張氏鑑云省疑當作餘

人物

丁處榮 按自處榮以下皆宋人丁上當補國朝二字

李夔 有白兔白鳥循擾 按改馴擾為循擾者避理宗嫌名○□□思量到此間 張氏鑑云□□

似當作日日

仙釋

中巖大悲應驗記 監學教授呂臬 張氏鑑云臬當作桌

碑記

磨崖碑 高聳數丈 抄本碑目數丈作數文誤
中巖普覺院 碑目院下有碑字是也抄本無

石燈臺讚 刻———一首 抄本碑目刻作客
誤○進士元銳撰元和中莊伯良能書富義縣令
孟公才 碑目無元和以下十五字抄本有 按能

似當作隸元和中三字似當在進字止 又按上

文云公用燈臺似卽縣令所製才下疑有脫字

以上潼川府路 卷一百五十三瀘州至卷一百六十七富順監

輿地紀勝校勘記卷四十三終

輿地紀勝校勘記卷四十四 夔州路

卷一百六十八 夔州關

卷一百六十九 開州關

卷一百七十 施州關

卷一百七十一 達州關

卷一百七十二 珍州關

卷一百七十三 忠州關

卷一百七十四 涪州關

州沿革

元和郡縣志云州城本秦枳縣城也自李雄據蜀北

地為戰場 按元和志三北作此為上有積字是也

縣沿革

涪陵縣 晉改曰漢事縣 按以晉志隋志考之事乃平之誤○元和郡縣志云漢時保甲軍多取此縣人矣 按元和志保作赤無矣字是也紀勝下文風俗形勝門云漢赤甲軍多聚於此注引元和志亦其明證

風俗形勝

會川蜀之眾水控瞿唐之上流口地有龜山鶴水之

奇境有鐵籠鑑湖之勝龜陵志序 按以句法文義核

之地上不當有空格

人多襍蠻 按據上文此係華陽國志之語今考華陽國志作人多獫狁多獯蠻之民是也紀勝下文引華陽國志云人多獫狁亦其明證

涪州出扇為時貴之段氏蜀記士見寰宇記云 按據寰宇記百

十二士當作云記下云字係衍文

景物上

石魚 一銜萸草一銜蓮花 按下文云劉忠順有詩今考詩門載劉忠順詩云一銜萱草一銜蓮此

處莫字必萱字之誤方輿勝覽六十正作萱是其明證

石門 周地記涪陵三里有—— 按據寰宇記當作周地圖記云涪陵均堤東十三里有石門○門東有石鼓清臺扣之聲遠 按據寰宇記臺乃晨之誤

黔江 方至黔州漑自黔州漑與施州江合流九十里 張氏鑑云兩漑字皆當作治

北巖 伊川先生來涪 一統志二百三十八無先生二字○元符庚辰徙涪陵會太史黃公自涪移戎過

其堂因榜曰鈎深 一統志作元符中黃山谷過此榜其堂曰鈎深

松屏 出石山間 一統志無石字 松石 爾朱先生種松於此山 一統志爾上有相傳二字無山字

關池 元和郡縣志云出剛鐵土人以為交刀 按元和志關作開剛作鋼交作文

鑑池 在州漑下 張氏鑑云漑當作治 鹹泉 在武龍縣距白馬津東三十餘里 一統志

龍作隆無距字○是時兩邊山水相接薪蒸贍足

按下文云由是兩山林木芟薙此處水字亦當作木方與薪蒸之語相應○乃於忠州遷井竈戶十餘家 一統志作遷忠州竈戶○未已有四百餘竈 一統志作至四百餘竈

龜山 本黔江東岸之山今州治據一小山 一統志作在黔江東岸州治據其上○龜陵之稱得非取此 一統志作故州亦名■陵

景物下

碧雲亭 在對江北岸之上 一統志作在涪州對江北岸上○太守率郡寮 一統志寮作僚

鈎深堂 其右為直閣 公祠 按下文人物門譙定注云授通直郎直秘閣此處樵字乃譙字之誤方輿勝覽正作譙是其明證

羅浮山 晏公類要公昔羅浮仙人所居故名之張氏鑑云公似當作云

鐵櫃山 吳君山一名—— 一統志作鐵櫃山一名吳君山○與涪陵縣相對 一統志涪上有

廢字○雄壓諸山 一統志山下有石魚占歲稔鐵櫃鎖晴天即此十二字 按下文詩門引馬提幹涪州五十韻詩有此二句鎖作驗

星宿山 在涪陵縣西北五十里 一統志陵縣作州

風月臺 在樂温縣之北 一統志無之字○名曰

風月臺 一統志無曰字

清溪洞 崖穴中有石洞兩處 一統志兩作二○

約一里 一統志里下有許字

黃牛山 在涪陵縣東南 一統志陵縣作州○泝

黔江四十里 一統志無黔字

白馬津 在武龍縣北三十五里 一統志龍作隆

○有監官 一統志監作鹽

白鶴灘 在州之上流妃子園下 一統志無之字

雞鳴峽 昔蜀先主時涪陵人反蜀將鄧芝討焉

按據上文此係元和郡縣志之語今考元和志無

昔蜀二字

玉帽石 張氏鑑云玉似當作王 按注中有玉帽

仙之語下文仙釋門王帽仙注云爲人修敝冠號

王帽子張說是也○在天慶觀之門昔王帽仙遇

於此 按下文仙釋門王帽仙注云暮則臥于天

慶觀此處遇字疑臥字之誤

遊蘭山 一統志遊作游○高松鄉有——一

統志作在涪陵縣高松鄉○遙見豐都西見重慶

張氏鑑云遙當作北○蘭真人修煉之處 一

統志無之字○望見丹竈真人題字 一統志真

上有有字

七龕山 在武龍縣北一十五里 一統志無一字

古迹

古涪陵郡城 九域志又晉地理志云漢涪陵在今

涪州東南三百三十里黔州是其故里 張氏鑑

云以寰宇記考之又當作據地理志當作太康地

理記故里之里當作理

鄧芝射援處 手自射犍牛之 按據上文此係華

陽國志之語今考華陽國志援當作犍牛當作中

寬婦清臺 史記———兄得丹穴 按以史記

貨殖傳考之寬當作寡末——當作其兄當作先

妃子園 在州之西去城十五里 一統志作在涪

州西十五里其地多荔枝○百餘株顆肥內肥

按內疑肉之誤○唐楊妃所喜 一統志唐作昔

好作嗜

官吏

蜀劉威名 按注云為涪陵太守見寰宇記今考寰

宇記引蜀志劉威石為涪陵太守又考蜀志劉瑗
傳云字威碩先生定益州以瑗為固陵太守碩當
作石方與其名相應蜀漢時益州無固陵郡固當
作涪紀勝名字係石字之誤 又按上文有漢龐
肱肱卽士元之子亦係蜀漢時人此處蜀字疑衍
南承嗣 扞蜀道就寇 按據上文此係柳集送南
涪州量移澧州序今考柳集就作勅是也○曰我
忠烈充也期死待敵亦曰彼忠烈充 按據柳集
敵下仍當有敵字○以書校計羸縮 按據柳
集羸當作羸

人物

程頤 按自此以下皆宋人程上當補國朝二字
尹焞 尹焞在涪州千福院獨處口室 張氏鑑云
本空一字 按據方輿勝覽所空之格係一字
謙定 自號為涪陵居士易學徒居涪陵 按以方
輿勝覽考之易上當有深於二字○伊川魯直相
繼謫居于涪聞其名未之識遂率伊川往訪之
張氏鑑云遂率似當作魯直遂約○維陽從駕
按方輿勝覽陽作揚是也

楊載 涪陪人 張氏鑑云陪當作陵○載十士偕

行 按載下似當有與字○行反間而阿 廢

劉豫 張氏鑑云上文言劉豫并阿釐不 脫不

字○而十大者已亡其八矣 張氏鑑云大似當

作士 按上文有十士之語張說是也○知遠州

永睦縣事 按宋時永睦縣屬達州遠字乃達字

之誤

仙釋

北海水仙 昔有蜀士韋昉竇巖夜泊涪陵江 張

氏鑑云下文但有韋昉事無竇巖事疑有脫誤

碑記

涪陵太守闕 此事得之夔路鈴幹馮田 抄本碑

目鈴作鉢誤

唐千福院水泉記 光啟中太守張濬 碑目濬下

有撰字是也 抄本無

李文定公神道碑 張方平撰 碑目撰下有文字

抄本無

普淨院記 校書郎傅耆記 抄本碑目傅作傅誤

涪陵紀書錄 紀伊川和靖諸賢語錄 抄本碑目

諸作請誤

花蕊夫人詩序 碑目蕊作蕊下同○臣安國奉詔

抄本碑目臣作呂 按下文云臣謹繕寫入三館而歸口誦數篇於丞相安石安石即王安石安國即安石之弟也作呂者非是○偽蜀孟昶侍人抄本碑目偽作為誤○臣安國題 碑目題上有謹字抄本無

龜陵志 抄本碑目無龜字 按上文景物上龜山注云今州治據一小山其形如龜龜陵之稱得非取此風俗形勝門亦屢引龜陵志脫去此字者非也

詩

灘急羣瀦沸崖高落馬懸 按方輿勝覽瀦作豬是也

江連白帝浮下山背青城出劔來王庶題北巖詩 張氏鑑云浮下有脫字

四六

賀涪州史君到任啓 張氏鑑云史當作使 卷一百七十五 重慶府

府沿革

置巴蜀及漢中郡分其地為一縣 按據上文此係巴志之語今考華陽國志卷一之巴志一乃二之

誤

後漢領城十四

江州宕渠胸忍閬中魚復臨江
松涪陵墊江安漢平都充國

按

以續漢志考之國下當有宣漢漢昌四字方合十
四城之數

劉璋分墊江已上仍為巴郡理安漢墊江已下為永

甯郡理江州

按據注此係寰宇記之語今考寰

宇記

一百六十二

兩已字皆作以

元和郡縣志云劉璋為益州牧於是分巴郡自墊江

已上為巴郡墊江已下為永甯郡

張氏鑑云兩

已字並當作以

按今本元和志

三十

脫墊江已

上為巴郡七字

又通鑑曹魏景元四年平蜀二年十二月分益州為

梁州

按以通鑑考之分益州為梁州即景元二

年十二月事二年當作是年

縣沿革

壁山縣

按注中兩言重壁山下文景物等門亦累

言壁山縣此處壁字乃壁字之誤唐志元和志寰

宇記輿地廣記

三十三

方輿紀要

六十九

皆作壁是其

明證元豐九域志

卷八

作壁亦傳寫之訛

風俗形勝

其郡東枳有明月峽廣德峽故巴亦有三峽 張氏

鑑云明月廣德止二峽疑有脫文 按據上文此

係華陽國志之語今考華陽國志德下峽字作嶼

並復除目所發竇人盧朴杏鄂度夕襲七姓不供租

賦 按據上文此係文選蜀都賦註引風俗通之

語今考選註杏作沓是也

景物上

方山 又名凝脂山 一統志二百三十八 又作一

三巴 自墊江已下為永甯郡 張氏鑑云已當作

以

白崖 在府北三十里 一統志府作巴縣

白水 在州南二百二十里 一統志州上有涪字

按重慶府本名渝州涪當作渝

仙池 在江津縣北泯江南岸李膺益州記云州縣

西南有—— 按上文縣沿革江津縣注云本漢

江州縣寰宇記引李膺益州記州上有江字是也

新井 東西一十五步 一統志無一字步作里

按井之廣狹止可以步計不得以里計當以步字

為是○並在高岡之上 一統志並作縣城○唐

天授年中 一統志無年字○先天年中 一統

志無年字

景物下

縉雲山 下有白水東分流 按據寰宇記白當作泉東下當有西字

温湯峽 四時騰沸如湯 一統志無四時二字

龜停山 在江津縣西一里岷江中若龜形 一統

志無岷字若上有山字

玉來山 一統志玉作王

白君山 昔有江津縣令白君住此山學道成仙

一統志無縣字山字○因而為名 一統志無而

為二字

清水穴 在府西三十步 一統志府作巴縣

君井山 在江津縣西四十三里 一統志西下有

隔江二字○有井泉深淺不常 一統志常下有

常以水之盈縮卜牧宰之賢否十二字

古迹

古枳縣城 一統志作故枳城○在巴縣北一百十

五里 一統志北上有東字

古江州縣城 杜預通輿云江州縣故城在今巴縣

西 按預當作佑輿當作典通輿一百七十五江上有

漢字

古東陽城 一統志無古字

古灘城 周回一百步 一統志無回字○因名焉

一統志無焉字

巴王家 一統志王作子

官吏

唐陳少遊 為渝州南平縣令 按洲乃州之誤

人物

謁渙 按以華陽國志考之自渙至孟彪皆漢人謁

上當補漢字 又按華陽國志渙作煥

仙釋神

圓明天師 張氏鑑云天似當作大 按注云事承

天院寶大師昭符又云此子他日法中龍象也則

圓明係釋家而非道家張說是也

壁山威烈侯 象之切謂 按切當作竊

碑記

巴郡太守張洎頌德碑 碑目洎作納抄本作洎 按上

文官吏門漢張洎注云為巴郡太守有德政碑中

平五年立作納者非也○漢靈帝中平五年立

抄本碑目無靈字 按中平係漢靈帝年號無靈

字者非也

白君冢碑 抄本碑目冢作家誤

禹廟碑銘 有禹王祠及塗后祠有碑銘 碑目有

上有並字 抄本無

豐年碑 在江岸碑謂之義熙碑 碑目謂上無碑

字抄本 ○人爭墓打 張氏鑑云墓當作墓 按

碑目正作墓

蜀廣政十五碑 按廣政係後蜀孟昶年號首尾二

十八年此處五字下當有年字

詩

漫言嬴塵垢澆僧坊

司空表聖
恭州界詩

張氏鑑云嬴當作贏

輿地紀勝校勘記卷四十四終

輿地紀勝校勘記卷四十五

夔州路

卷一百七十六

黔州

州沿革

自晉永嘉已後 張氏鑑云已當作以○至字文周

田思鶴以地來歸 按據上文此語本於元和志

寰宇記今考元和志三寰宇記一百方輿勝覽六

方輿紀要九十鶴作鶴紀勝下文引元和志亦作

鶴

周隋之黔中置郡在思費州已北 張氏鑑云州上

當有等字已當作以○往往自晉永嘉之亂 張

氏鑑云下往字似當作者

縣沿革

黔江縣 在州一百八十里 按元豐九域志卷八州

下有東字里上有二字是也

羈縻等州

寰宇記有控臨番種落 提也 按寰宇記二百

作拖○莫搖 按寰宇記搖作徭

風俗形勝

雖在大江之南而東與施溪錦獎四州隔高一嶺

按據上文此係唐正元十道圖之語今考寰宇記

所引一在高上是也

景物上

浪溪 按注引寰宇記今考寰宇記浪作朗○漢縣

名也 按寰宇記無也字○有朗山 一統志二

五十作黔州有狼山 按寰宇記作其地有狼山

紀勝原本朗字闕筆作朗蓋避聖祖諱方輿勝覽

十六方輿紀要九十皆作狼當以狼字為是○出野

狐 一統志狐作狼 按寰宇記作山有野狼○

眼在背上 一統志在作生 按寰宇記作在○

能食數獸 一統志數作諸 按寰宇記作能餐

野獸

鹽泉 一統志泉作井○元和郡縣志彭水縣有左
右鹽官收其課 按元和志三鹽下有泉今本道
四字是也○在彭水縣東九十里 一統志作去
縣八十里

景物下

沙井院 自咸平五年已後 張氏鑑云已當作以
荷敷山 在黔江縣南一百八十里 一統志南上
有東字○延入澧州三亭縣界 一統志澧作溪
按據新舊唐志通典一百八十三 元和志輿地廣記

二十三亭縣屬於溪州紀勝辰州古迹門有會溪
城注云本溪州景物下有三亭水此處澧字必溪
字之訛○高一十五里周圍二百五十里 一統
志作周二百五十里高十五里

可通水 源出黔江縣界武陵山縣西四十里 按
寰宇記無界字縣西四十作西流百餘
摩圍山 言此摩天號曰一一 一統志作言此山

摩天故名

黃連大亞山 一統志亞作堽 按方輿紀要同
黃連小亞山 一統志亞作堽 按方輿紀要同

官吏

李令一 貶黔州彭水縣見李習之集 按以習之集李府君墓誌銘考之縣當作尉

蘭陵蕭公講 按注云公名犯高宗廟諱又引寰宇

記云云今考寰宇記一百四十八所載係蕭邁事高宗

諱構邁字乃嫌名也後凡改蕭邁為蕭講者仿此

○按寰宇記載歸州紫極宮黃魔廟神記云 按

據寰宇記神當在廟上○遊三峽次秭歸按寰

宇記遊作泝秭作秭是也

碑記

漢故孝廉柳莊敏碑

字迹銷訛

碑目迹作跡

抄本

迹作

崔能神道碑

抄本碑目能作豈誤

黃魯直畱題

在州之嘉禾堂

抄本碑目在作有

誤

詩

杜甫送王十五判官侍還黔中詩

按據杜集及方

輿勝覽侍上當有扶字

儒風一似扇汗俗心皆平

孟郊贈黔府王中丞楚

張氏鑑云

似乃以之誤

事見岳珂程史 按珂書名程史理乃程之誤下條仿此

風黑馬跪驢瘦嶺日黃人度鬼門關 張氏鑑云跪字當誤 按跪當作跑

卷一百七十七 萬州

州沿革

隋特因蜀後主劉禪之舊縣名而因之耳 張氏鑑云下因字似誤 按下因字似當作用 元和郡縣志及寰宇記並以爲後魏置安郡郡 張氏鑑云安郡之郡當作鄉 按元和志此卷久闕

寰宇記 一百四十九 正作鄉張說是也

縣沿革

南浦縣 寰宇記又云魏廢帝元年分胸臆之地置魚泉民賴魚罟爲名 按據寰宇記魏上當有後字泉下當有縣以地土多泉六字

風俗形勝

地接夔門前控歸硤 按方輿勝覽 五十 硤作峽是也

萬州居三峽之上處岷碛之下 唐段文岑公洞記 按方輿

勝覽碛作嶓文下有昌字是也紀勝下文碑記門

輿地系勝本甚言 卷四十五 五
岑公洞碑注云段文昌記亦其證也

景物上

東津 在州一里 張氏鑑云州下當有東字

景物下

勒封院 張氏鑑云勒封疑彌勒之誤

天生橋 在苧溪上乃一巨石自然爲溪 張氏鑑云爲溪之溪當作橋 按方輿勝覽爲溪作成橋 張說是也

都歷山 蓋羣之主山 張氏鑑云羣當作郡

方輿勝覽正作郡張說是也

高梁山 尋山源記云——尾東跨江西首劔閣

按據寰宇記方輿勝覽山當作江

龍女洞 在漁陽西十五里 按上文縣沿革武甯

縣注云後周爲源陽縣此處漁字當是源字之誤

史君灘 按寰宇記史作使是也

眞女山 在州西三 張氏鑑云三字下似落里字

七賢堂 山谷黃廷堅 按廷當作庭

古迹

岑公巖 范蜀公詩云洞居獨巖空壁溜珠玉測

張氏鑑云以後詩門校之巖當作嵌測當作濺

按方輿勝覽居作屋餘與紀勝詩門相同○春光

一夜雨連明 按據下文詩門光當作江

許旌陽舊宅 卽今之白鶴寺 一統志二百四十三寺

作觀○宋大章未嘗讀神仙傳疑其不信新都宰

張澤語予曰許遜本潭人曾任嘉之津陽令 張

氏鑑云予當作之潭當作汝津當作旌

官吏

冉仁才 按自仁才至嚴挺之皆唐人冉上當補唐

字

齊革 按自革以下皆宋人齊上當補國朝二字

曲端 萬州安置尋閬州後又自閬州則移於恭州

也 張氏鑑云尋下當有徙字則當作別

人物

甘甯 按甘上當補吳字

李源 按源係唐人李上當補唐字○唐河南尹李

澄祿山之亂死於忠義 按以新舊唐書及通鑑

考之澄乃澄之誤

王珪 按注有紹興辛未之語則此王珪係南宋時

人王上當補國朝二字

仙釋

興北系用核甚言
楊雲外 循擾虎狼 張氏鑑云循當作馴 按此亦避理宗嫌名

碑記

報恩寺漢碑 硤中漢刻少 張氏鑑云硤當作峽

按抄本碑目硤作蹀誤

寶像記

練巖有裝修隋朝——

碑目裝作莊

抄本作壯誤

岑先生銘

嚴挺之撰開元二年立

抄本碑目開

作乾

按以舊唐書嚴挺之傳考之挺之卒於天

寶元年開元在天寶前乾元在天寶後作乾者非

也

聖業院碑

壬子歲十一月

抄本碑目一字係空

格

冉仁才碑

見沿革門南浦州下

碑目見作在抄本

見作

萬州廟碑

乾德乙丑白廷誨爲刺史重修之距今

二百三十餘年

碑目三作二

抄本作三

按紀勝成

於理宗時卽以寶慶元年乙酉計之上距乾德乙

丑已二百六十年三字當是六字之誤

百刺史題名記

字皆漫滅獨白刺史名銜在

碑

目無銜字抄本銜作御誤

靈顯王碑 遺愛碑碣列于廟 碑目列作刊抄本作列

南浦志 趙善贛編 抄本碑目趙作題誤

詩

醉歌梅障曉歌壓竹枝秋 張氏鑑云歌壓之歌似

誤

泠泠松風下日暮空倉山刺史馬冉岑公洞詩既曰馬冉仁才故又謂去馬仁

才按思州圖經有招慰使冉安昌則周時有唐時亦有人姓冉不可謂姓馬也張氏鑑

云此條注似有誤 按上文官吏門冉仁才注云

碑本作冉仁才又云舊碑載仁才與有功碑記門

冉仁才碑注云見沿革門南浦州沿革云象之

謹按舊碑唐武德二年以冉仁才為使持節浦州

諸軍事浦州刺史又云今從寰宇記及冉仁才碑

合諸條觀之仁才之姓冉明矣此條言馬冉仁才

疑有複姓馬冉之說又言去馬仁才者疑即單姓

冉之說刺史馬冉之下疑當有仁才二字周時有

下疑當有人姓冉三字但究無明證姑存此說以

備考

硤中天下最窮處 按據注此係陸游偶憶萬州短

歌今考陸集及方輿勝覽硤當作峽

